

### 3. POZIV ZA DOSTAVU PROJEKTNIH IDEJA

#### PITANJA I ODGOVORI

(odgovori na pitanja dostavljena do 18.12.2023. godine)

1	P	U vezi s Challenge to Change projektom i ispunjavanjem finansijskog obrasca, želim se informisati da li prilikom unosa iznosa treba unijeti iznos s uračunatim PDV-om ili bez? Također, isto pitanje se odnosi na plate - da li treba unijeti neto ili bruto iznose?
	O	<i>U budžet je potrebno unijeti iznos koji uključuje PDV, kao i bruto iznose za planirane plate.</i>
2	P	Zamolit ću Vas za informaciju vezano za "Javni poziv za dostavu projektnih prijedloga za korištenje projekta Challenge to Change 3.0" i stavku da ne mogu učestvovati pravna lica ako su bili korisnici granta u jednom od prethodnih poziva projekta Challenge to Change. Može li samo kratko pojašnjenje kada su bili ti javni pozivi kako bismo pronašli da li smo već učestvovali, jer smo jednom 2018.god. imali saradnju sličnu sa Serda, ali ne možemo da pronađemo ugovor da provjerimo da li se radi o ovome?
	O	<i>Na trenutni otvoreni 3. Poziv ne mogu aplicirati privredni subjekti koji su korisnici iz prethodna dva poziva, tj. koji već imaju potpisan ugovor o dodjeli grant sredstava Challenge fonda.</i>
3	P	U procesu smo pisanja aplikacije za projekat nabavke mašine. Budući da u vodiču piše da su rezultati konkursa oko 4 i 5 mjeseca iduće godine, a mi bismo nabavku radili početkom godine, da li podržavate finansiranje nakon što opremu nabavimo, naravno nabavka će biti nakon podnošenja prijave na konkurs.
	O	<i>Kako je i navedeno u Vodiču za aplikante, prihvatljivi su samo troškovi nastali nakon što se potpiše ugovor o dodjeli grant sredstava. Također, proces nabavke mora bit proveden u skladu sa Smjernicama za nabavke, koje su sastavni dio ugovora, a provodi se nakon potpisivanja ugovora o dodjeli sredstava. Nije prihvatljiva nabavka nastala prije potpisivanja ugovora o dodjeli grant sredstava.</i>
4	P	<p>1. U smjernicama je navedeno da su troškovi angažmana projektnog osoblja do 30% od ukupne vrijednosti projekta (osim ukoliko je projekat fokusiran isključivo na angažman radne snage, npr. izrada softvera). U slučaju prijedloga projekta, na kom radi xxx doo. troškovi "osoblja" iznose između 50 i 60%, s tim da je važno napomenuti da se ne radi isključivo o osoblju iz administracije (taj trošak se uklapa u "zadatih 30%"), već o osoblju direktno angažovanom na realizaciji projekta (dizajn, razvoj proizvoda, edukacijske radionice i sl.)</p> <p>2. Da li su prihvatljivi troškovi nabavke polovne odjeće, asesoara za potrebe projekta putem otkupa preko OLIX platforme na način da se plaća pouzećem i evidentira kroz blagajnu, ili da se plaćanje vrši putem otkupnog bloka, u slučaju da fizička lica, od kojih će se nabavljati polovna odjeća imaju bankovne račune.</p>



### CHALLENGE TO CHANGE 3

	<b>O</b>	<p>1. Kao što je i navedeno u Vodiču za aplikante, za troškove angažmana projektnog osoblja prihvatljivo je do 30% od ukupne vrijednosti projekta (osim ukoliko je projekat fokusiran isključivo na angažman radne snage, npr. izrada softvera).</p> <p>2. Nisu prihvatljive nabavke od fizičkog lica, te za nabavku sirovine i/ili repromaterijala dozvoljeno je do 15% od ukupne vrijednosti projekta.</p>
5	<b>P</b>	<p>Poštovani, obzirom da je samostalni preduzetnik počeo sa radom 30.01.2023.godine, nema bilans stanja i bilans uspjeha. Navedeno je da dostavlja presjek poslovanja od trenutka registracije do dana podnošenja aplikacije. Molim za objašnjenje šta presjek konkretno sadrži od dokumentacije? Da li je u formi izvještaja sa navedenim vrstama prihoda i rashoda ili treba priložiti određenu knjigovodstvenu dokumentaciju?</p>
	<b>O</b>	<p><i>Za 2023. godinu možete mjesečne prijave skenirati kao jedan dokument i priložiti i rekapitulaciju za 2023. godinu (jedan dokument koji u jednoj tabeli prikazuje prihode i rashode po mjesecima, sa zbirom na godišnjem nivou).</i></p>
6	<b>P</b>	<p>Mi smo već pristupili realizaciji tog projekta, I vidimo da je potpisivanje ugovora s aplikantima planirano u 4. mjesecu 2024. godine.</p> <p>Mi smo već uplatili avans za mašinu, ali rok isporuke mašine je kroz 6 mjeseci, tj tek će biti dostupna u 5 mjesecu sljedeće godine.</p> <p>Prema navedenim informacijama možemo li mi aplicirati na navedeni poziv?</p>
	<b>O</b>	<p><i>Nije prihvatljiva nabavka nastala prije potpisivanja ugovora.</i></p>
7	<b>P</b>	<p>U obrascu budžeta, da li se unose puni iznosi ili iznos koji će refundirati C2C (uz napomenu procenta) ? Da li se procenat učešća obračunava na nabavnu vrijednost opreme sa PDV-om ili bez PDV-a ?</p>
	<b>O</b>	<p><i>U budžet unosite ukupne iznose sa PDV za svaku planiranu stavku.</i></p> <p><i>Također, u zavisnosti od iznosa granta koji tražite i ukupnog iznosa budžeta tabela će prikazati vaše učešće, s tim da učešće aplikanta mora biti minimalno 50 %.</i></p>
8	<b>P</b>	<p>Vezano za 3. javni poziv za dostavu projektnih prijedloga za korištenje sredstava projekta Challenge to Change 3.0 molimo za informaciju da li postoje ograničenja vezano za porijeklo opreme koja bi se nabavila u okviru projekta. Naime, firma koja plaira aplicirati na projekat, izvršila bi nabavku opreme koja se proizvodi u Japanu te je pitanje da li oprema koje se nabavlja mora biti proizvedena u Europskoj Uniji odnosno u Europi?</p>
	<b>O</b>	<p><i>Nabavka opreme može biti planirana u prijedlogu projekta, te može biti nabavljena od registrovanog privrednog subjekta iz bilo koje zemlje.</i></p>